

Kunnafonisèben bɔta kalo o kalo - BP : 24 - Téléfoni : 20.21.21.04 Kibaru bugufiyé Bosola Bamako

Jamanakuntigi y'a ka dannaya lakuraya Dɔgɔtɔrɔ Bubu Sise kan kokura k'a to goferenaman nɛmɔgɔya la



soro Alimani jamana kan ani Emira Arabu Uni. O temennen ko, a y'a ka sanfekalan ke Faransi jamana kan; kerenerrennya la kalanso Kilerimen Feran na, ka bo ni soro dɔnniyako sanfekalan dipilomu ye yen, n'a be wele Metirisi (Maître). O kɔfe, a be fo dipilomu min ma nansarakan dajee surun na DEYA (DEA), a wulila n'o ye soro dɔnniyako yiriwali sira se. A y'o soro kalanso min na, o nansarakan dajee surun ye SERIDI (CERDI) ye. A ye soro dɔnniyako Dokutoriya fana soro san 2004 Dayikisi Mariseyi (D'Aix-Marseille) sanfekalanso la Faransi. San 46, Dɔgɔtɔrɔ Bubu sise ye jɔyɔrɔ caman fa goferenaman kɔnɔ yanni bi ce. San 2013, a kera Isinikow ni dugujukɔrɔ nafoloko minsiri ye, san 2014 o minisirisow bɔra jɔgɔn na. A kera

dugujukɔrɔnafoloko dɔrɔn mini-siri ye, san 2016, a kera soro ni nafoloko minisiri ye. O minisiriso tora a bolo hali a sugandilen ka ke minisirijemɔgɔ ye san 2019.

Dɔgɔtɔrɔ Bubu Sise lakodɔnnen don kosebe n'a ka baara dɔnniya ye ka temen politikiko bunankun kan, a y'a ka baara damine dije waribonba la san 2005, o kosɔn mɔgɔ caman b'a fɔk'a kati ka gelen wariko la. K'a to dije waribonba la, a ye jɔyɔrɔ caman fa yen fana, i n'a fo san 2008 banki bolofara min nesinnen don hadamadenya yiriwali ma, a kera o nɛmɔgɔ ye. O kɔfe, a kera banki ka lasigiden kerenerrennye Nizeri ni Nizeriya jamanaw kan.

M.Ture
Siyaka Sogoba

Sariya b'a lalapinin ni depitebulon kura donna, goferenaman ka ci k'a sigi kura ye, o siratige la, alamisadon zuwenkalo tile 12 san 2020, minisirijemɔgɔ Bubu Sise y'a yere ni goferenaman ka baarabilasèben di jamanakuntigi Iburahim Bubakari Keyita ma. O yoré beela, jamanakuntigi Iburahim Bubakari Keyita seginna k'a ka dannaya lakuraya a kan, k'a ke minisirijemɔgoye kokura, k'a jini a fek'a ka goferenaman kura sigi.

O goferenaman kura min ni Bubu Sise bera a sigi, a ka kan ke i n'a fojamana sigikafoba y'a lapinin ke cogo min na san 2019 desanburukalo la. O siratigela, an be se k'a fo, ko baaraba be Bubu Sise n'a ka jama ne; sabula u bera u kɔgɔda geleya damadokan, ninnu kelen beka jamana basigi don nkalamana. O geleyaw la, lakananbalya b'o la, hadamadenya ni politikiko geleya b'o la, fo ka se koronawirisi bana geleya ma.

Hakililajigin na, Bubu Sise yere bangera san 1974 Bamako. A y'a ka duguman kalan kefaaba la, kerenerrennya la kalanso Mamadu Konateni Ntomikɔrɔbugu kalanso la. Kasoro ka taa a yore

Depite te politikitɔn SADI tɔgɔ la tuguni Mali depitebulon kɔnɔ

Ka bɔ numan fe ka taa kinin fe : Amadu Araba Dunbiya, Bintu Danbele, Musa n'a be wele Cekɔrɔba Sangare

Politikitɔn SADI ye nin mɔgɔ saba bee labila ; sabula ton nɛmɔgɔso y'a ninin u fe, u ka bɔ jamanakuntigi ka fanga demenaaw ka depitejekulu kɔnɔ, u banna o ma. O mɔgɔ saba te dɔwɛre ye Amadu Araba Dunbiya, Nɔnɔn depite, Musa n'a be wele Cekɔrɔba Sangare ani Bintu Danbele ; o fila bee ye Kucala depitew ye. Tuma min na depitesigi kalataw kera Mali kɔnɔ, olu de garijege ye fara ci, ka ke depitew ye u ka serekili kɔnɔ ; nka SADI nɛmɔgɔba yere Dɔgɔtɔrɔ Umaru Mariko ma se soro a kow la ; ale binna Kɔlonjeba. Olu minnu tun ye SADI tɔgɔ la depitew ye bulonba kɔnɔ, u farala depitejekulu « Benso » kan ; o dun ye jamanakuntigi ka fanga demenɔn ye, min nɛmɔgɔya be Aliyu Bubakari Jalo bolo.

O waleya in ma diya SADI nɛmɔgɔjekulu ye. O y'a ninin u fe, u ka bɔ o depitejekulu in na, ka fara fanga sinamatɔn kan, ka kene ni SADI kuntilennaw ye. U mɔgɔ saba banna o ma co. O de kosɔn u genna ka bɔ « parti » kɔnɔ.



U genniseben bolonɔbilala pariti sekereteri zeneralni dankan Makan Keyita fe zuwenkalo tile 13 san 2020. O y'a soro u welela k'u laadi siye saba. Nka u ma son ka segin u kɔ fiyewu. U ni mɔgɔ saba wɛrew genna jɔgɔn fe serekili kelenna na ; sabula a yera k'olu de y'u kɔkɔromadon u banni kan ka bɔ jamanakuntigi ka fanga demenni depitejekulu la. SADI nɛmɔgɔjekulu min be Nɔnɔn, o ye laje ke zuwenkalo tile 6. Kucala ta fana ye laje ke zuwenkalo tile 7. U bee y'a ninin depite ninnu fe, u k'u ben ni SADI sigilisariya an'a lataamani sariya ye, ka bɔ fanga demenni depitejekulu la. U ma son fiyewu. U y'o ban min jira, o de kosɔn u genna ka bɔ ton na. K'a damine u genniseben tegonɔbiladon na fo waati min, u te fosi ke depitebulon kɔnɔ politikitɔn SADI tɔgɔ la. O b'a jira ko depite te SADI tɔgɔ la tuguni. A kera fanga sinamatɔn ye, min ka depite te bulonba kɔnɔ. Nka nin mɔgɔ saba minnu gennen file ka bɔ SADI la, u bera don poitikitɔn kura min na ka k'o tɔgɔla depitew ye, u m'o dantige fɔlɔ.

Dokala Yusufu Jara

Jamanakuntigi ye jamakulu dō kumajōgōnya : Kumaw bōra o kōnō, minnu na mēen ka lakali tarikuw la

Koba te taa kumaba ko. Basigibaliya be jamana kōnō kōrōlen ; walasa k'a ninin ka basigi sōrō, jamanakuntigi y'a kaman bōko caman dala, minnu taara mōgo caman jiminsira fē, ka jigisigi na politikiko la sigikafō hukumu kōnō.

Lakolikaramogow be baarabila min na k'a sababu k'u ka lajininba dō waleyabaliya ye, jamanakuntigi jenna n'o ye. A y'a geleya minisirijemogoma, a ka dabali tige lakolikaramogow ka sariya 39nan waleyaliko la joona, min b'a to nogoya ka se ka don u dabolo la. Jatecinenaw ka fo la, o sariya in waleyaliye doniba ye jamaana kan wariko ta fanfe. Nka jamanakuntigi y'a kun don a kōrō, walasa denmisenninw ka se ka kalansira ta. O b'a jira ko depitesigi kalataw jaabiye mankan min wuli jamana kōnō, a hami ye fura sōrōlī ye o geleyaw la. A ko fana, k'a hami ye ka bee hakilila jinin goferenaman kura sigicogo la, ka sigikafō fana ke bee k'a hakilila di o goferenaman taabolo kan jama sago la. Jamanakuntigi ye jama min kumajōgōnya Bamako lajekeso (CICB) la tarata zuwenkalo tile 16 san 2020, a ye nin kumaw fō. Bamako dugutigilaka, jekulu minnu te politikitōn ye, diinejemogow, ani politikitōn, nin bee ka cidenw tun b'a kene kan. Laje in lajinin tun ye fen kelen pe ye : Basigi tonin min b'an ka jamana kōnō, dan kana kari o la bilen. Laje in karabara walasa ka fura sōrō jamana in hadamadchya n'a politikiko geleyaw la joona. Sabula a be tile damado bō, jama wulilen be jamana fangabolonw kō dasirili sira fē. Walasa ka mōgo kumajōgōnya u k'u bolo da u dusu la, jamanakuntigi ye lasclī dōw ke jamanadenw ye kardin zuwenkalo tile 14 san 2020. O y'a sōrō a tun bōra ka diinejemogow ni jekulu minnu te politikitōn ye, k'olu kumajōgōnya. A ni jekulu werew ye kumajōgonyaw ke o kōfē ; i n'a fō politikitōn ka farajogonkanjekuluw, kerenerennya la a ka fanga demenbaaw, ka fara jamana kōrōnyansfan laadajemogow kan.

Kabini tarata zuwenkalo tile 16, bee hamī tun dalen be kalanko geleyaw furakeli kan joona. Jigisigikuma minnu fōra, olu ye doniba ta ka bo mogow kun. Jamanakuntigi tun be k'a poron fen caman kan, a y'o bila, min b'a to denmisenninw be se ka kalan. Benbaliyaba min tun b'e lakolikaramogow ni goferenaman ce, k'a sababu ke olu ka sariya 39nankō ye, jamanakuntigi sōnna o waleyali ma. O sariya in b'a jira, ko ni farankan fen o fen kera baarakela tow ye, o jōgonna fana be ke zaradendansfanw, kalan kun fōlo, an'a kun filanan lakolikaramogow ye. Hali ni taabolo kerenerenn dantigelen be lakolikaramogow ye, 20% min farala baarakela tow ka kalosaraw kan, o be fara u fana taw kan. Goferenaman togola lakolikaramogow ni baarakeseben bolonobilalen be lakolikaramogow minnu ni goferenaman ce, olu de ko don. O daminena Mali kōnō san 2019 zanwuyckalo tile 11o la. Jamanakuntigi y'a jira ko lakolikaramogow ka sariya 39nan waleyaliye doniba ye goferenaman kun, mōgo ka kan ka jōre ni min ye kosebe. A k'a be se ka basigibaliya yere de fanga bonya nafoloko siratige la jamana kōnō. A ko ni jamana fanga sera doni in kōrō,



Photo AMAP

o don ; n'a ma se a kōrō fana, a na ke don dō kuma ye.

Jamanakuntigi Ibarahimu Bubakari Keyita y'a ninin ka mōgo dusu saalo awirilikalo nimekalo depitesigi kalataw jaabiko la. A ko o kojew bena ke a wulikajōkoba ye don nataw fana na ; min mana bō o la, k'o tena dogo mōgo la ; ani ka jigisigida di jamana sariyasunba lasafabolon kan. A ko a hakili la o fangabolon in ye kiiriw tige ka kene n'a sigikun ye ; n'o ye ka bee bila i ka hake kōnō. Ibarahimu Bubakari Keyita y'a jira k'ale yere pangatara jamana sariyasunba lasafabolon in fe ka temen, nka k'ale ma mōgo si labo k'a ka nisōngoya jira nbeedaw kan. Nka ko ni jama y'a hakililaw jira jōgon na, taabolo minnu ka kan ka yelema fangabolon in baarakecogo la, mine na k'olu ma. Jamanakuntigi ko

geleya fen o fen be jamana kōnō, a y'a bee da a ne kōrō k'u file. O de la a b'a ninin, hakilijakaboba kā ke goferenaman kura sigicogo kan jama ka here kama. Jamana be se ka bōdinge kōnō cogo min na, a ko lajinin y'o ye. O de koson a ye layidu minnu ta nin ye, u na mēen ka lakali jamana tarikuw la. A ko layidu nōgōw te ; nka a y'u ta jamaha ka here kama, wa ko a kun b'u kōrō. A ko, ko mana geleya cogo o cogo, a ka ni an k'an disi da a furakeli la. An kana farafara, ka wo bila an juguw ye. Ka da a kan a te temen dōgōkun kelen kan fōlo, kojugubakelaw ye dankari Mali lakananbaaw la Nōnōn serekili kānō ka mōgo caman faga u la. O kojuguba min kera, ka fara kelen kōrō kan, u be jamanakuntigi da-lankolonya, ka taasibila ke ka jesin mōgo fatulenw ma. A ko kojugubake

jamana dōw ta hake bō fōlo, k'o be se ka sōrō an ka jateminemansinw cogoya ye ; n'o y'u fanga dōgōya ko ye. O la a b'a ninin minisirijemogofe, a ka cogoya bee ke, min b'a to segesegeli jenamaw be ke, ka bana in cogoya jōnjōn dā kene kan.

Jamanakuntigi hamī dō ye ka sigikafōba ke jamana kōnō tuguni, walasa bee k'a hami jira jamana geleyaw furakecogo la halibi, goferenaman ka ketaw la, ani jamanaden tow ka ketaw la. A ko fana, ko wulikajōw be sen na, min b'a to Nanfunke depite Sumayila Sise ka se k'a yere sōrō ka bō a minebaaw bolo a tuma na. O kuma kelen in diyara jama ye kosebe.

Dokala Yusufu Jara

Kayi : Ce min tun y'a yere ke polisi ye, tēge dara a kan

Kayi polisiso fōlo jēmōgo ye Kapitēni Adama Kulubali ye. A n'a jējōgonw ye tege ke lakolikaramogō dō la, min tun y'a yere ke polisi ye. Polisifiniw ni polisiv baarakemin en suguya werew tun b'a se mara la a ka so kōnō. O minēn ni fini ninnu tun ye Kayi polisiso 2nan komiseri taw ye Kayindi. Nin ko bee sidonna telefoni tunnun dō jininni sensē zuwenkalo tile 9 san 2020. Tuma min na tege kera ce in na, n'a togo ni jamu damine tubabukan ye M. D ye, a yere y'a lakali polisiw ye, k'ale tun y'a yere ke polisi ye. A k'a tun be komiseri de ka masiriw don ka munun-mununsaalow ke Kayindi kōnōn ka mōgo bagabaga ka wari bō u kun, ani ka dōw bolosenw mine u la ; kerenerennya la telefoniw. Mōgo dusu tōrōko jugu polisike in kōrō yanni a ka dōn ko polisi te, caman tun taara a bolosen mineni da Kayi polisiso fōlo komiseri Salimū Sise tulo kan.

Nisōngoyajirala hake sebekōrō cayalen, polisiw sōrōla k'ōrō a segesegeliw boloda. Ce min tun y'a yere ke polisi ye, a kelen dōrōn tun b'a ka munun-mununsaalow ke a ka moto la. A tun be dōw ka telefoni bōssi u la, ka dōw yere ka moto bōssi u la ni motoseben ma sōrō u bolo o yoro la. Nka a tun be fōlo k'i ka karadante mine k'o laje fōlo, k'a dōn n'i ye mōgo suguya min ye. Ni

karadante ma sōrō min kun, a tun be wariba bin o dōw kan, k'o mine ka ke a kun, ka taa n'a yere ye.

Polisi numanw ye wulikajō min ke zuwenkalo tile 9 san 2020, u bōra M.D kan, k'a mine ka taa n'a ye. Tuma min na Kapitēni Adama Kulubali n'a ka cedenw taara a ka so woloma, u ye polisifini dō sōrō yen, polisiw ka galōn kelen, min tun ye komiseri perensipali ta ye. Nka a y'a dalacen, k'ale y'o fen ninnu bōssi denmisēn dō la, Kayi polisiso 2nan cilēn kōfē.

Hakililajin na, Kayi denmisēn murutira san 2020 in mekalō tile 12 ka taa o polisiso in ci, polisi dō kelen ka mugu ci duguden dō la k'o faga.

Kapitēni Adama Kulubali ka lakkili la, kunnafoni carinnēn ko polisi lankolon dō minena, a muso y'a ka polisi masiri tow ce ka taa olu dogo dugu fan were se. Polisiw y'a mine k'a bagabaga, a ye jōn-ko Alā fō. A ko alc ce be nin waleyaw jugu in na a meenna. A ko a nana ni firigo kelen, piloweri kelen, jaketi kelen, yirinton kelen, ordinateri kelen, kile USB 4 ani sefawari dōrōme keme kōnōtōn ni bi seccin (d980) ye polisiso cidon. Polisiw ye ce in bila kiiritigelaw ka bolo kan zuwenkalo tile 11 san 2020 ; a nōminena yōrci, sonyani ani tasumadon tōnkōrō, a y'a tugu ka minnu ke. A tun y'a yere ke polisi ye ; o kiiti fana b'a nōfē. Ka da a kan a ye mōgo

caman jankata k'o da polisiw la ; kerenerennya la, komiseri yere la. Kunnafoniw y'a jira k'a tun be to ka taa komiseri nōfē sigiñgōnya sira fē, k'a nanen be bō o ye. Kayi polisiso 2nan cidon, polisiw bolosen caman jennina, ka caman ce ka tunun n'o ye ; i n'a fe polisifiniw, marifaw, samaraw, galōnw, telefoniw, sigilān soteyiw, an'u ka seben caman werew

A laban, polisiw tun be baara ke u ka yoro dukēnē ma. U ye wele da k'u ka minēn mana ye mōgo o mōgo bolo, o ka na n'a ta ye. Mōgo si m'o wele jaabi fōlo. O baarakeminēntanya fē, polisiw te se k'u ka baara caman ke tuguni. Kayi polisiw ye ka nin lakolikaramogō min mine, n'a tun y'a yere ke polisi ye, a si hake be san 35 la. Kayi kin min be wele « Benkunda », a be kalan ke yen kenyereye kālanso la.

Dokala Yusufu Jara



Sajola, daman dō firila mōgō 12 dala ; 5 fagara ka 7 jogin



Sanga ni waati bee la, bolola sununininnaw ni kasaara be nōgon na. Zuwenkalo tile 7 san 2020 susenege kanje 22 waati la, daman firila mōgō 12 dala Sajola

; 5 fagara ka 7 jogin. Nin kunnafoni sōrōla Kayi zandarameri nēmōgōba Nitine-Koloneli Nazimu Agi Hatayi fe.

Seere dōw y'a jira ko kasaara in kera

sanuninin cakeda (SEMOSS-SA) ka sanudinge kōrō dō kōnō, mōgōw tun be ka min woluma dogo la. Mōgō joginnen bee cera ka Sajola (CSCOM) segere.

San 2017 desanburukalo fana na, damandinge kōrō dō firila Kuruketo, Sajola komini kōnō ; mōgō 6 tora o la. A jirala k'o tun ye sanuninin cakeda (Yatela-SA) ka sanudinge bilalen do ye kabini san 2006. Kōlsili la, kasaara ninnu fanba be ke dingé kōrō wugubali de senfe.

Mōgō dōw yere be taa u mōgō nōgon ka dingé bilalen kōrō wuguba. O b'a sōrō o dingé dōw bilalala, o be san caman bō. Kasōrō farati be yōrō bilalelen kōrō la, k'a sababu ke dugukolong ye. Dingew bilalen don nōgon na dugu jukōrō. Ni sanfela segenyara, dingé be firi.

A kōlsira ko ni sene nōgora utikoyanfan fe, mōgō dōw, kerenerenneny la musow, olu be taa damandaw la, k'u garijegé sifile sanunin na, k'u be u musakaninw bō o la.

Dokala Yusufu Jara

Golo sima ni golo dogilen ye warisōrōsira dō ye

Musa Jara si hake be san bi naani ni kō la bi. A be Jikorōn-Para la Bamakō komini 4nan na. Waati jumanw na, a be tulubidōn kōrō mine bitikitigiw fe, ka yaala negeso la ka don duw kōnō, k'u kōfili mōgōw ma, minnu be baara ke n'u ye. Ni seli sera, a be yaala ka misigolow ni sagagolo simaw san baganfaglaw bolo, ka taa olu fana kōfili garankew ma ni golobaaralaw ma Bamakō suguba la.

Sekina Sil aye cekorōba ye, min ka baara ye golodogi ye. Ale ye Musa Jara ka sannikela dō ye. Golomangasanba b'a bolo suguba kōnō. A y'a jira ko seli o seli, ale ka yōrō be fa tewu, goloferelaw la. A be golo belebelebaw san kelen dōrōme kene seegin (d800), walima ba kelen (d1.000). Ka golo mankanw san kelen d400, walima d600 ; nka a be golo fitinuw san kelen d200, walima d300.

Muso filia be Sekina Sila kun, den 14 b'a bolo. Katakatantigiw be sōrō k'u doni ka taa u di yaalakascrekelaw ma u sigiyorōw la.. U be golo knew sn ka don kg50bōrew ni kg100bōrew kōnō. Minnu b'o golobōrew san, u b'a girinya jateminé k'a sōngō fo. Girinmanbaw sōngō b'a ta dōrōme ba kelen ani kēme filia (d1.200) la, ka se ba kelen ani kēme naani (d1.400) ma. Mankanw be san d800, walima d1.000. Bōre minnu man girin fiywewu, u te temen d600 kan olu la.

Sekin Sila ka fo la, nin y'ale san 40 ye golofere la. N'i nana n'i ka golow ye ale fe, a b'u woloma ka jumanw ta. Wo be minnu na, olu sabaa ye musow de ye. Olu fana b'olu san, ka taa u ta jinin u kunnan. O b'a sōrō u y'u dogi.

Yaalakascrekelaw fana ka sannikela ye Nizeriya ni Gana jamanaden ye. Olu b'u doni ka taa u seere Marōku jamanada na ka wariba sōrō u la. Gana ni Nizeriya, misigolo be dun kosebe mōgōw fe, ka da a mōdiyan hake

caya kan. A golo dogilen dōw be dilan ka ke samaraw, cesirilanwani musow ka sakiw ye.

Jamana makojetaw bōlen kō a la, golo dogilen tō be ce ka Nansarala magen (i n'a fo Itali, walima Esipajji). Golodilan izinitigiw b'u mako olu la yen. Kerenkerennenya la, bagolow ni sagagolow de kanunen don kosebe Esipajji jamana izinitigiw fe. Kasōrō Nizeriya izinitigiw be misigolo de fe kosebe. Olu b'o sebekōrō san. Mali jagokelaw be laban ka ta o iziniw ka golomasen dilannenw san yen ka na u seere waribaw la.

Sanni golo ninnu ka ce ka don mōbilaw kōnō ka taa seere jamaana kōkan, u be laben Arayida la fōlō. O be ke cogo di ? An sera yen mēkalo tile 28 san 2020, ka yeli ke. Golow sensennen tun be tile la, arayi keredaw fe furu ka taa. Nizeriyaka ce keten tun b'u kōrō ; belebele 'jamanjan. Olu be golow labencogo min na, a ye dō fo an ye o la.

A ko n'u ye golow san garankew bolo, u b'u do dagaw kōnō ji kalanw na. Sanga damadō kuntaala kōnō, u b'u bō k'u siw siyen ni muru ye. O kōfē u b'u jenin k'u si buruburu tō bō u la. Nka walasa u ka se ka lamra ka waati jan ke, a k'o seere b'u yere kōnō, o ye seere were ye.

A k'u be sōrō ka golo ninnu dalaje k'u don kg100bōrew kōnō ; u be doni ka Nizeriya, walima fan were magen. U be dōw fana don karitōnw kōnō ; nkaa olu te labō kōkan, u b'olu dun yan. Lotoli minnub' u bolo Bamakō kōnō, golosogow be tobi ka seere yen. U yere ka jamanaden minnu y'a kanubaaw ye, olu de bēna dumuni ke yen golosogo nōfe .

Timinandiya dan bee ye golo labenni ye. U be se ka kalo kelen ke a kan. Sinaya fanga bon goloferelaw ce ; n'i ma i ta laben ka ne, i te sannikela jenamawsōrō. I t'a nasa bō Nizeriya jamanaden in ko mōgō minnu be sagagolo fe ka seli a kan, olu b'u siri olu la golonumanko la layasagaw



fagalen kō. Sinimanbōlaw ni nōgolōnbōlaw fana be golow san k'u kala ka ke u ka fini dontaw ye.

A la a juman ye golodilan iziniw k'u sebe don kosebe, mōgō su-guyaw wasaliko la. Kunnasoniw y'a jira, ko golo labenyōrō 6 tun be Mali kōnō san 2017 waati la : Bamakō 4, Segu 1 ani Sandarc 1 Kayi mara la.

Sanni forobacakeda caman ka bila kenyereyew ka bolokan san 1990 waati la, golodilan iziniw tun be sanga la kosebe Mali kōnō. « Tamali » tun b'o la. A izini caman fana datugura, k'a sababu ke sannikelantanya ye.

Mali be jōyōrō filanan na Nizeriya kōfē baganmara la Afiriki tilbinyansan fe, n'o ye Sedeyawo-jamanaw (CEDEAO) ye. Golo

miliyon naani be sc ka sōrē Mali kōnō. Olu la miliyon 3,5 ye bagolo ni sagagolow ye. Jatew y'a jira, ko san 2011 kōnōna na, Mali ye golo sima ni dogilen miliyon 5,4 seere kōkan. O sōrē benna sefawari 6,1 ma. San 2012 ta sera golo miliyon 7,6 ma ; sefawari miliyari 9,9 sōrōla o la.

San 2013, basigibaliya min be jamanā kōnō, o kosōn, goo hake min sera ka labō ka taa seere kōkan, o ma temen miliyon 6 kan ; miliyari 9 sōrōla o la. San 2014 fana kera o cogo ye dōgoya la. A ma temen golo miliyon 4,9 kan ; sefawari miliyari 6,814 sōrōla o la. San 2015, golosōngō benna miliyari 12 ma.

Fadi SISE
Dokala Yusufu Jara

Hadamaden bε yeko caman kε dijε na n'a mεennna si la

Mogo be sacogo fila ke ; nka dɔ ka jugu do ye. Saya min man jugu, o ye ka sa, fo k'i suturali ke. N'i kera numankela ye, mögow be mεen k'i tøgø duman fɔ i kɔ. Nka saya min ka jugu, o ye malo kɔ saya ye. Hørøn man kan ka ko min ke, n'i y'o ke, i sara k'i to dijε na. Møgø caman y'a yere faga maloya kɔ saya ne.

Ni mögø ye maloya jugu sɔrɔ i kewale jugu, walima i dala-kuma nɔfε, i ka hørønya banna. Hadamaden danbe be bɔ a la k'a sababu ke a ka hørønya tjeneni walcyaw ye. Ni mögø o mögø dalakuma maloya t'a la, fara o



tigi la. Ala ye mögøya sinsinbere do ke maloya ye. Mögø malobali be sɔn dijε ko jugu suguya bee ma. K'a sɔrɔ kerecenyə ni silameya ma don an fe yan,

mögow tun be u danbe makaran kosebe. An k'olu minnu tun te Ala dɔn, u jan tun b'u kumakan an'u kewale la kosebe. Diine, walima Alabatu tɔ wære jumen b'o kɔfe ni nkalon te? Bimögow be nkalon de kan. Mogo o mögø te maloya, o te dannamögø ye. Halibi maakɔrɔba tɔ be Mali kɔnɔ, minnu be maloya. Følø laadibaa tun te mögø bee ye ; a wolomanen tun don. Diinekaramögøw b'o joyørow de la bi. Nka olu taabolo be cogo di ? O karamögøya kelen be marabagatiga ye. A saradalen be fan bee fe. Cew b'a san, musow b'a san, ka karamögøya fari da u yere kan k'a sɔrɔ a jogo t'u

la. Maloya ye sen bee ye. Ni maloya banna dudenw ni nɔgɔn ce, o ye duko bannen ye. Ni maloya banna jamanadenw ni nɔgɔn ce, o ye jamanako bannen ye. Mali file danbetiñe dingé de kɔnɔ, ka nɔgɔn janfa. O de kosɔn wulu ko, ale be saya fe ni janfa ye. Wulu t'a tigi janfa fiyewu. Hali n'i be si karatabugunin kɔnɔ, i ka wulu be si i kerefe. Surukuba fana ko kabini Ala ye dijε da, ale ma hadamaden nɔgɔnna fitirriwale y'a kɔnɔ. Politikimögøw ni diineñemögøw ye jamana fereke an bolo, ni tajiniko jugu ye.

Yaya Mariko ka bɔ Senu
Medini Wereda la Bamako


Poyi : Yerèkanmén kεlε kεbagaw Bamako ni Fuladugu-Kɔtuba cεmɔbilitasara ye d1.000 (ba kelen) ye

Aw n ice !
Faciyen lafasabagaw
Aw n ice cesiri la !
Aw kulekan in ka di
Yerekan ka bɔ dibi la
Yerekan ka ke jetaa kalamene
ye
Aw kelkekkan in ka di
Aw y'a jilaja
Yerekan ka cooko
Duw ka taa je
Kabilaw ka taa je
Jamana yere ka taa je
Aw ka lajini in ka jii
Yerekan ka lafasa

Yerèkan ka labaara
Yerèkan ka cooko
Aw ka seercyε te wuli
Yerèkan de ye jetaa sinsinbere
ye
Yerèkan de ye jetaa dugaren
ye

Foli banbali b'aw ye
Aw ka segen te ke fu ye
Tariki b'a seercyε.

Sonje Naare,
ka bɔ Torodo,
Safø komini na



Poyi: kalan nafa ka ca

Kalan nafa te sɔrɔ
muju ni sabali kɔ,
Kalan dɔnni ye
mögøw halala do ye.

Karamøgo i y'an bo dɔnbaliya
dibi la,
Ka taasira puman don an kɔrɔ,
Kalan de be dɔnbaliya dibi
fara.
Karamøgo jana anw b'i fo.

Anw b'i fo i ka muju ni sabali
la,
K'i fo i ka baara jɛdɔn n'a

kanu na,
Kalanje ni sebenni ani jate
dɔnbaa.
Kalan ye jiriba mɔ duman ye,
Kalan ye kodɔn ye,
N'i kalanna, n'i ma ko dɔn, i
ka kalan kera tokaje ye.

Kalan nafa ka ca !
A be mögø ka sekø n'a dɔnko
sinsin,
Ka dijε sɔgø ka bila nɔgɔn na.

Mariyamu KONARE
NETAAGADUGU

segere, o ye geleyaba ye anw kan. Sira mana dilan, o be sɔn ka ke sababu ye ka caman bɔ a mɔbilitasara la. Misali la Bamako ni Kolokanin ce ye km140 ye, o mɔbilitasara ye d400 (kemé naani) ye. N'a fɔra Bamako ni Kɔtuba ce te km100 bɔ, o mɔbilitasara ka ke d1.000 ye, bee b'a dɔn k'o ye sirantanya ye. Kominiw te warinama sɔrɔ san kɔnɔ ka siraw dilan. A puman ye k'u bolomademe sigidalamögøw ka lafiya sɔrɔli la. Kasaro, Sebekɔrɔ, Madina ani Kɔtuba, nin bee y'a damanakominie ye. Nka n'a bora Kasaro ni Sebekɔrɔ la, sira puman t'u si ni nɔgɔn ce.

Faraban Balo
ka bɔ Fuladugu-Kɔtuba,
Kita mara la

Ben ni kelenya sinsinnan dɔ ye jenajefen kɔrɔw ye



An ka sigidaw la, jenajefen kɔrɔw tun te tulonkesenw ye. Ben ni kelenya sinsinnan tun y'u ye. Dugu bee n'a ka jenajefen tun don. Døgøkun o døgøkun jenaje dɔ tun be ke dgu kɔnɔ ka musow ni denmisenniñw jenaje. Beledugu kɔnɔ, o jenajefen ye balanin, nkusunbala, gida, cebilenke, donsonkɔnɔn, o n'a nɔgɔnnaw.
Nin jenajefen kɔrɔw de be sigijøgonya diya duguw kɔnɔ, ani duguw ni nɔgɔn ce. Sinankunya

fana ye koba ye mögøw ni nɔgɔn ce. A be fɔjøgɔnko caman dalasa sigida la. Bonya be sigijøgɔn tin don nɔgɔn na ka taa a fe. Jatemine na, jenajefen kɔrɔw tun te warjiininan ye dugu bolo. A tun be ke fu la ka dugumögøw jenaje dɔrɔn.
Dugu caman na, jenajefen kera sababu ye ka terisiraw, furusiraw ani nɔgɔndeme siraw dayele mögøw ni nɔgɔn ce, ani duguw ni nɔgɔn ce. Ni dugu dɔ y'a jini duguw were fe, a ka na jenaje ke u bara, u dan tun ye jenajekelaw

bisimalaliworo an'u ka dumuni ye fo k'u segin ka taa u ka so. N'o te sara tun te mine a kunkɔrɔ. Nka an be don min na, jenajefen kɔrɔw b'a la ka døgøya wulakɔnɔduguw la. Kunkow mana wuli sisan, u bøna fɔlikelaw luwanse dugubaw kɔnɔ ka taa u ka jenaje ke. Wa dan si t'o musaka sarata la. Kabini jenaje nɔgoyara wulakɔnɔduguw la, benbaliya cayara.

Isa Jalo ka bɔ Kedugu,
Dugabugu komini na Kati

Tariki : Jawule Karamogo, Samori denke sabanan ka faransitaa

Nin waati y'a soro Alimami Samori ni tubabuw ce geleyalen don. Samori b'a faso kono, keledenw b'a bolo, kalandenw b'a bolo, dönkotigiw b'a bolo, moriw b'a bolo. A be kele la walasa ka farasinjamanaba do sigi senkan. O waati kelen na, tubabuw walifasomaralaw fana tun be kene kan, u be kele la walasa ka Afiriki mara, k'a dugukolo, a nafolomasenw n'a kōnomogow ke u ta ye. Samori be tubabuw nakun don, tubabuw fana be Samori lanini dōn. Nk'o n'a ta bee, u y'a jini ka dipulomasi don u ni jōgon ce, n'o ye teriyasira ye jamana fila ka jōgonfaamu ni jōgondeme kama. O la, tubabuw ye Samori lanata, k'a hakili bō kele kan, k'a jijida ben ni lafiya kan, kasoro ka fere a ma.

O hukumu kono, Jawule Karamogo, Alimami Samori denke sabanan taara taama na Faransi. Jamana fila ye taama in laben ka ben a kan. A daminenan san 1886 utikalo tile 9 k'a kunce a setanburukalo tile 5.

Taama in ma ke gundolako ye. Faransi dönnikela dōw kumana a kan. Afiriki karamogoba dōw ye seben ke a kan. Lakolidenkoroba dōw fana ye nininiw ke a kan.

Mali mogo faamuyalenba dō, Masa Makan Jabate ye jōgonlōn do seben Jawule Karamogo n'a fa ka jōgonfaamubaliya kan taama in kōfē bawo u tijena jōgon ye pepewu. O gafe in tōgō « Suruku sunto ». Kabini taama in kera, Samori kera i ko suruku sunto, hine ni makari banna a dušu la bawo a jigi karila.

Nk'o n'a ta bee, Samori ma segen jējōgonya jinini na tubabuw fe. A ni tubabuw ye sigikafō caman ke. Tubabuw te maninkakan men, Samori te tubabukan men. U tun be teme larabukan de fe ka jōgon faamuya. U ka benkansebenw kera larabukan ni tubabukan na. O dc y'a to ni faamuyaw ma ke kelen ye tuma bee, bee y'i ta seben i ka faamuyacogo la. Benkanseben ninnu kera sariyasebenw ye, i n'a fōdijne sariyasebenbaw be laben cogo min, k'u waleyali diyagoya fan fila bee kan. Tubabuw ka seere belebele de tun ye benkan ninnu bolonobilali ye bawo u ni farasinsama caman tun be jōgon na o waati kelen in na u ka dugukolo nōfē. U ni Lajimori tun be jōgon na, ni dōw ko a ma Fila baranintigi, Alihaji Umaru Tali. U ni Latijori tun be jōgon na. U ni Sikaso Ceba tun be jōgon na. U ni Mamadu Lamini Daramé tun be jōgon na. Samori min tun fanga ka bon n'o farasinsama ye, tubabuw y'a jini ka ben don u ni Samori ce, sanni a ka tila masake to ninnu na.

Kejebakura benkan temena Samori ni tubabuw ce san 1886, ka seben ke a la, k'a bolonobilala. O benkan in y'a sementiya ko Bajoliba ye dance ye Samori ka jamana ni tubabuw ka dugukolo minenew ce. Bisandugu tun ye Samori ka jamana faaba ye, san 1889, benkanseben were bolonobilala yen a ni tubabuw ce. Nka nin bee la, tubabuw tun sirannen don Samori je, a kana muruti ka benkan ninnu boroto. O koson, u y'a jini a fe a ka dijne n'a ye, a denke Jawule Karamogo ka taa taama na Faransi. O mana ke, tubabuw ka faamaw be da a la k'u ni Samori ka teriya ye tije ye. Taama in kufolo kera Senegali, bawo o tun ye Fataraba (Faidherbe) dagayoye ye, k'a kunce Pari Faransi faaba kono. Kejebakura benkan na, Samori ka cidenw jemogō tun ye Umaru Jeli ye. Tubabuw ka cidenw jemogō tun ye

Kapiteni Turen ye, yetenan Perozi, kapiteni Mamadu Arasini Si ani Alasani Ja dalamine, olu tun b'ale nōfē. Kejebakura benkan kolomayōra tun ye ko Bajoliba numanfəbolo be to Faransi bolo, a kininfəbolo be to Samori bolo, si kana don si kun. San 1886 mariskalo tile 28, Samori ye benkanseben in bolonobilala. Benkanseben in farankan kono, Samori y'a pereperlatige ko n'a ma je a denke be taa Faransi, a seginni a faso la, geleya si man kan ka don o la, ben kera o kan. Hali ni kele wulila u ni jōgon ce kasoro taama in ma ban, Jawule Karamogo te se ka mine k'a datugu Faransi yen, ben kera o kan. Wa a semetiyara ko masakeden ni bonya ni karama min ka kan, o ka ke a ye, baasi kana a soro, baasi kana a nōfemogow soro taakascigin in kono, ben kera o kan. Samori labanna k'a hakilila bee lajelen seben larabukan na, k'a ci Fataraba ma. Taama in labenna nin hukumu kono. O b'a jira ko Samori tun t'a kunte, a hakili tun ka bon, a sōnna k'a tege di a juguw ma kasoro a b'u haniya dōn.

Taama jujon fo ka se a laban ma Jawule Karamogo bora Kejebakura, a n'a nōfējama san 1886 awirikalo tile 17. Sotigi kamalen 50 jōgonna tun b'a bilasiralijama na. Daaraw tun be jama nōfē. Sennakelkedewen tun be kōfē ka lakana sabati. Samori yere tun be bilasiralijama na. Samori taara a denke bila fo Tenkiso dankan na, o ye jibolo dō ye min be Lajine jamana kan. Wasolon cidenw ye baki/baca ya yen. Cidenw sera Kayi san 1886 mekallo tile 22. Masakeden ni mogo 30 tun be jōgon fe, u donna baton kono ka taa Senluwi Senegali jamana kan. U ni muso 20 jōgonna tun be jōgon fe, tobilikew. U kumbenna gofereneri fe.

San 1886 zuluyekalo tile 31, Jawule Karamogo n'a nōfemogow ye batonba dōta pakebo/paquebot min tōgō tun ye « Ekateri/Equateur Dakaro k'u kunda Faransi kan. U ye tile 10 jōgonna ke kōfōji kan. U sera Bōrido/Bordeau san 1886 utikalo tile 9, o ye Faransi duguba dō ye. Jawule Karamogo ni mogo caman tun be jōgon fe :

Umaru Jali, o y'a fa ka kōfōsiye. Tasilimakan, o ni Angilew tun gerela jōgon na, wa a tun be angilekan fo, o tun b'a nōfē. Lamini Kaba ani Farodu, olu tun y'a denmisenninteriye, olu fana tun b'a nōfē. Datenmisa, o min sera ka marifa da tan dilan so-faw ye, o tun b'a ka jama na, ka fera Lasine Kera kan, ale tun y'a fa ka moriw dō ye, an'i Kumina, o tun y'a ladonbaga ye an'i Nasikamadi, ale tun jagokelaba, makobatigi tun don min kera sababu ye ka Samori ni tubabuw ka geregogonna sinsin Nagasolo benkan senfe.

Faransi ye ciden 3 da dunan ninnu kan. Olu tun ye dalamine Alasani Ja, kapiteni Mamadu Arasini Si ani kapiteni Turiniye ye.

Ko jugu dō ye Jawule Karamogo soro Dakaro ni Bōrido furance la kōfōji sanfe bawo nafolomuguba tun b'a kun, o sonyara, faransiware 4260. O kera ko daminebali damine ye. Nka Faransi labanna k'o wari in sara a ye. Wasolonkaw ka cidenw selen Bōrido, u jatigila kera dunanjiginso Bayoni ye, o tun ye lotolsoiba ye o don Faransi. O dugu in faamaw y'u bisimila. O kōfē, u ye sisikurun ta k'u kunda Faransi faaba kan n'o ye Pari ye. U ka parisigi daminenan san 1886 utikalo tile 11 k'a kunce a setanburukalo tile 3.. U jatigila kera Pari dunanjigginsoba ye. Faransi faamaw y'u jo n'u ka musaka bee lajelen ye. Jatalaw ye Jawule Karamogo ja laben an'a ka laadalafiniw. Kunnafonidilaw kumana a kan, k'a mankutu. U yaalala n'u ye Pari kono, ka jenajew laben u ye, ka dakabanayorōw jira u la.

Donnibaga minnu b'u bolo, olu jōgon te. O ma ben fa ma cogoya si la. A ye Jawule Karamogo don kaso la, ka suman tige a la dōnin fo kongō y'a faga. Ale kera ka tōw laadi. O yōrō de la a fōra a ma suruku sunto. Dugu minnu ma son a ye alahere la, a selen olu la, olu ye jangata suguya bee ye u jena. A tile la, jōnya fanga bonyara bawo a kera nafolosorōsira kasoro Kurukanfuga laje tun ye jōnya kōn Manden kono.

Samori ma ke masake basigilen ye a ka mara kono. A ka kōfōsigiye ma se k'u jōrō fa de wa ? Tari Samori tun y'a dama mogo ye min te laadi-likan men ? A dogoke Kemeburuma, sofaw ka zenzraliba o min ye sebaaya caman lase a ma, an'a denke Jawule Karamogo ani dōwerew, olu bee jangira a fe k'u bōne u ni na.

A kōn iye Afiriki ka yēremahorōnya lafasa, k'a jira ko tubabuw be k'u yēre de ka here jini, a Afiriki denw ka here, o t'u ka sira ye. A y'a ka mara ke hakilila min kan, o tun ye ko « Yērekunsoro man dōgo soro la. »

Iburahimu Mayiga
Mahamadu Konta

Maakorōbaro : Bi ni sini

Ko caman be dijnesig i kono, hadamadenya ma se ka minnu faamu fewu, i ko wolo ni saya, soro ni kōli, kunnandiya i kunnangoya, jumanya ni juguya ani u jōgonna caman. Nka kōlosilikebagaw be ko caman faamu, u be ko caman jēfō hadamadenya taasiraw kono dijnesig i sensi.

O taasiraw ye hadamadenya kalasiraw ye, hadamadenya ka kān k'a yēre temesiraw bō kalasira minnu ni jōgon ce. Ni kalasiraw tun te yen, a tun te jini surumuso fe a ka ke miseli ye.

O nasira la, hadamaden minnu be siran dijneso ni lahara kunnangoya ne, olu be jinini ke dijne kalasiraw ni jōgon ce k'u ka dijnesig i boloda ka sini lafuya jēfō. Nka o mana ke cogo o cogo, ko bee te se ka ke hadamaden sago n'a dungo ye, k'a ke ko siye si kelen t'a la. Hadamaden be jine, a be fili. Nin sen fila be siye latige a ma tuma caman. O be ke latigemasa fe k'a jira hadamaden na k'a te se ka ke sen were ye jōnnin kō.

Cikanw:

1. I ye min faamu masalabolo kōnko

2. Nin kōrō fo: « furumuso ka ke miseli ye. »

3. Kumases laban seben kasoro i ma denni ke.

4. Dajne in siya fo: « fewu (faamu fewu)

Karamogo Daramani
Tarawela



Poyi : N benke y'a fo n ye

Nbenke y'a fo n ye :

Ko segen banbali ye ko fila ye

A fōlō ye kodōnbalia ye

A filanān ye fugariya ye

N benke y'a fo n ye :

Ko jamana nafolo ye dabali ye

Ko jama wōsi ye tōjō ye

Ko u nama te to bō ye.

N benke y'a fo n ye :

Ko mara fōlō ye yēremara ye

Ko ladamu fōlō ye yēreladamu ye

Ko kanu fōlō ye yērēkanu ye

N benke y'a fo n ye...

Saka Keyita ka
bō Bamako

Koɔri kg1 sɔŋɔ seginna a salon ta sefawari dɔrɔmɛ 50 ma a nɔ na



Minisirijemogɔ Dögötöro Bubu Sise, ni nafo-loko ni wariko minisiri fana don, a ni koɔriko jemogow ye laje ke sibidion zuwenkalo tile 6 san 2020. Sene minisiri Mulayi Ahamedi Bubakari, Mali koɔrisenetonw ka farajogɔnkanjekuluba, u ka lafasatɔn naani (SYCOV, SY-VAC, SYPAM, SPCK), Semudete jemogow, Otiwale jemogow, ka fara koɔrisenemaraw depitew kan, nin bee tun b'a kene kan. O laje in kunceyɔrɔ la, gɔferenaman

ye ḥaniya dɔw siri. A y'a jira ko koɔri kg1 sɔŋɔ be to a kɔrɔlen na san 2020/2021 sene kanpaji kɔnɔ. Ani ko sefawari miliyari 35 demen kerenerennɛn be ke koɔrisene ye. O be ben d10 farali ma koɔri kg1 sɔŋɔ fɔlén kan; koɔri minnu bera seere Semudete ma.


O b'a jira ko gɔferenaman sababu la, Semudete bera koɔri kg1 san senekelaw fe sefawari d50 la. O ye koɔri suguya fɔlɔ ye. Suguya filanen be san d45. Angerew fana be to u sɔŋɔ kɔrɔw la.

Sigida n'a lamini tɔgɔladon dijɛ kɔnɔ : A san 2020 ta bilala nimafenw lakananni hukumu kɔnɔ

In'a fɔ dijɛ jamana tow, Mali fana ye sigida n'a lamini tɔgɔladon lajnenamaya zuwenkalo tile 5 san 2020. O don in sigira senkan dijɛ tɔnba ONU fe kabini san 1974 waati la. A lajinin ye ka fasonen jumanw lafaamuya fenw kan, minnu be se ka sigida n'a lamini sɔrɔ.

Masalakun min tara ninan wulikajɔ hukumu kɔnɔ, o ye ka nimafenw lakanan. Kɔlɔbi de ye kene in bi simila Ameriki gun kan. O ye laseli ye, ka nesin falenfenw ni nimafen tow silatununni ko. Olu silatununni senna ka telin an be don minna; ka da u sigiyorɔw tijecogo kan. Hakililajigin na, san 2019 laje kera Siniwajamana kan. O masalakun tun ye sigida n'a lamini pɔsɔnini ye. Sigida n'a lamini lakananni ye wajibi ye dijɛmaa ma bi; joona fana. O de be ninan masalakun nafa bonya kofɔ. Sigida n'a lamini ka kan ka ke yɔrɔ sawalen ye, hadamaden be se k'a yere daamu min kɔnɔ. Nimafenw ye sɔrɔ ye, minnu lakanancogo do ye ninakilifipɛ puman sɔrɔli ye, ani falenfenw ni nimafen tow ka dumuniko puman sabatili. Nka an be don minna, sigida n'a lamini be farati dankan na. Dɔnnibaaw

Dijé kenyako tōba ye Denyerénin ka kan ka kolosi kosebē



Dijé kenyako tōba n'o ye (OMS) ye, o nisondiyara ni fura dō sifilelenw jaabiw ye Uruwayoni Inikan, n'o ye Angilejamana ye. O b'a jira ko fura min be wele tubabukan na « dexaméthasone », o joyorō ka bon kosebe koronawirisi furakeli la. Fura in mana ke banabaato saba o saba la, minnu be ninakililan kōrō, sata te temen kelen kan olu la ; kasoro ninakilisije dōron be ka di minnu ma, duuru o duuru, o sata te temen kelen kan.

Nin kunnafoni ninnu dira taratadon zuwenkalo tilc 17 san 2020, OMS ka kunnafonidilaje dō senfe. OMS tun ye laje dō ke Zenenfu feburuke kalo tilance la, koronawirisi fura nininni kan teliya la. Fura in nafa yera mogow kan, minnu ka bana tun

ka jugu kosebe, nka minnu ta tun man jugu, a ma se ka yelemba don olu cogoya la.

OMS nemogoba Dōgotorō Tedorosi Adanomu Gebereyesu y'a jira, ko nin y'a sijne folo ye, koronawirisi fura ka se ka mogō caman kiisi saya ma, minnu mako tun be ninakilisije na. A jirala ko « dexaméthasone » be dije kōrō kabini san 1960 waati la, bana suguya caman furakeli kama. Bana minnu be mogō farikolo janin, ani kanseri, olu b'o la. A farala OMS ka fura yamaruyalenw kan kabini san 1977 waati la. An be don min na, fura in be soro da nōgon na furafeereyoro bee la jamana caman na. Jatemineb be sen na, min b'a to « dexaméthasone » ka se ka ke koronawirisi furakelan ye a nema.

Dōkala Yusufu Jara

Muso ka jigin ka kōn a kōnbara sarati dafabali ne, sababu caman b'o la

Musolajigin dōgotorō bee bennen don a kan, ko muso kōnbara kuntaala ye dōgokun 40 ye ; nka ko muso be se ka jigin tile 10 ka kōn o sarati ne, walima tile 10 o sarati kōfē. Muso min mana dese tile 10 ma sanni kōnbara sarati ka dafa, o y'o kōnen ye ka jigin a kōnbara sarati ne. Min fana mana dō da tile 10 kan kōnbara sarati dafalen kōfē, o y'o tigi jigintuma temen y'a kan.

Muso kōnkajiginni ye ni kōnbara ma dōgokun 8 ni tila soro ; n'o ye ka dese dōgokun 37 ma. Jatemineb y'a jira san 2010, ko Mali kōn jigginsi 11,6% ye kōnkajiginni ye. O be jamana dōw dabali ban ; sabula olu fe yen, jigginsi 10% fo 30% ye kōnkajiginni ye. O siratige la, dōgotorō Modibo Jenta y'a jira, ko muso kōnkajiginni sababu ka ca ; Ale be baara ke "kiliniki Esipuwari" la; n'o ye "Jigiya kenyaso" ye bamanankan na. A ko n'i ye muso kōnomiaw tila kulu 3 ye, 2 be jigin k'a soro u sarati ma dafa. O Caman sababu ye banaw ye musoya la, jolidess negentanya fe, den dilancogo jugu, kokojuma, walima bana wolonugu da la.

Sababu werew be kōnkajiginni na : siramin ni sigaretimin, ani sere ; n'o



ye furance jan te muso min denw ce. Nka dōgotorow be jigginsi dōw fana sennateliya ka da sababu dōw kan muso la. Konkajiginni saba o saba, kelen ye dōgotorow ka lawulinkama ye. O be soro n'u y'a dōn joona, ko muso joli bena ke posonin ye a den ma ni sisan temena; i n'a fo ni jolicayabana be muso la, ni den te ka mon a nema wolonugu kōn, ni basibonba be muso la, ni wolonugu fan dō y'a bila n'o benajuguya den ma, ni jabeti jugu be muso la. N'o y'i bo a la kōnkajiginni caman sababu ye bana ye. Bana suguya min don, a be muso farikolo ban den na, k'a diyagoya bange hali n'a sarati ma dafa. Nka ni bana in donna joona, a be se ka furake. N'a ma dōn joona k'a furake, basibon

Denyereninbana de ka ca kosebe Mali kōn. O de ye denyereninsaya caya. Geleyaba y'o ye foroba kenyako la. Den konna ka bange o, a bangera a ka sarati dafalen o, a farikolo ka fegen, bana ka telin k'a mine. Dōgotorō Madamu Diko Fatumata Tarawele ye denfurakela ye Gaburuyeli Ture dōgotorosoba la. Ale y'a jira k'an ne be den fen o fen na, k'a ka kenen a yepena na, k'i b'a soro jangaronin b'a fari la, mogō te min kalama ni lajeli te. O bana sababu be se ka ke banakise do ye. Denyereninbana ye den caman ka dōgotorosolataa sababu ye. A ka jugu kosebe ; Sabula a tigilamogow la, 25% be se ka to u ka bana na. A be se ka denw mine kabini u bandedon fo ka se u tile 28 ma. A banakisew be se ka bō denba la, walima u kerefemogow la ka den in lasoro. U be se ka den soro sanni a ka bange, walima a bangelen kōfē. Den hake min be banakise soro a ba fe o de ka ca kosebe ; 95% y'o ye. N'o ma ke kōnomaya kōnōna na, a be ke jigin ni waati la. O la den banabaato be bange, walima a bangelen kōfē. Bana minnu be mogō farikolo a bangelen tile to kōn.

Dōnba be banakise minnu lase a den ma, o dōw sababu ye nōgajebon bananama ye muso la, sugunebana, walima bāna suguya werew, minnu ma furake muso la. Bana sōrcogo filan den fe, o y'a banagelen kōfē. Den be o banakisew soro a lamininamogow fe; a ba yere b'o la,


Fatumata Nafo
Dōkala Yusufu Jara

janaw ka cesiri te. A te ne ni den in ma deme ninakiliko la, k'a fogonfolabanaw furake, ka joli di a ma, ka furaw k'a la k'a dumunisiraw labila.

Dōgotorō Modibo Jenta ka fo la, walasa ka kōnkajiginni kunben, muso ka kan ka peseli matarafa ; minnu be ke ka kōn jigginsi ne ani minnu be ke jigginsi kōfē. Musow ka kan ka lafaamuya kōnbara ladoncogo la. U man kan ka kenyasuraw ta u yere ma. Modibo Jenta ka lapini ye gōferenaman ka se ka dabali tige den kōn ka bangelenw ladonniko la fu la, k'a baarakeminew di kenyasow ma, ani ka dōfarankankalanw nesinni caya a dōgotorow ma.

Fatumata Tarawele
Dōkala Yusufu Jara

Basiketi : Nogonkunbenw be damine zuwenkalo tile 30



Kunnafoni kera forobako ye : basiketi nogonkunbenw be damine nin kalo sa in na ; n'o ye zuwenkalo tile 30 ye san 2020. Mali basiketiko jekuluba (FMBB) nemogo Haruna B. Mayiga ye kunnafoni in lase. Mali kono basiketi farisoniw be damine dögokun nata kono, nka a nogonkunbenw yere be damine kalosa la, koronawiriisi kubenniseerew matarasali kono.

Demisena ni farikolopenaje minisiri ye yamaruya di a kopew na, a ladonnialen kose Mali basiketiko jekuluba nemogo se, ka keje ni 2019-2020 baara bolodalcnw ye. O benkan kono zuwenkalo tile 30 de dara.

Hakililajiginn na, njanayajinin basiketi be jo waati min na (tile 6nan), Sitadimaliyen musomanninw tun be ten kan ni kuru 12 ni (+130) ye, Joliba taw ne. Olu ta tun ye kuru 11 ni (+92) ye, ka santiri Bintu Danbele (CBD) da o kan ni kuru 11 ni (+39) ye.

Cekunda, « AS » Polisi tun be ten kan ni kuru 12 ni (+108) ye Kidali Atari Kulobu ye. O ta tun ye kuru 11 ni (+32) ye, ka Ereyali da o kan ni kuru 10 ni (+64) ye. Kabini nogonkunbenw daminen, Polisiw ma deli ka gosi. U ye boko 6 min ke, u y'o bee sebaaya soro.

Polisiw ka degelikaramogo ye Musa Sogoré ye. Hali salon njanajinin basiketi la, Polisiw tun be ten kan nin cogo la. Haminko min b'u la, o dc ye ka ke basiketi jana ye Mali kono, fo ka sc Afiriki njanajinin kenew kan.

Basiketetonw meenna sigili la k'a sababu ke koronawiriisko ye ; nka o furance la, Mali basiketiko jekuluba ye jenagon kuraw soro (o do ye « Canal+ » ani « Groupe renouveau » ye).

Baaraw be boloda ka keje ni koronawiriisko kunnafoni cogoya ye jamana kono. A daw la yamaruya tene ke mogo were bolo ka taa basiketikelaw laje kenew kan. Danapinin tun be ninin ka foori ; sabula a to tun tora tile kelen doron ye.

Hakililajigin na, basiketi daw lajeli erezo sosiyo kan, o sisileli kera ; wa o kera wasa ye. O dc

la ni basiketi wulilala nin sen in na, ni yamaruya te mogo were bolo ka taa min laje kenew kan, o be bo crezo sosiyo kan.

Mali be ka nogonkunbenba saba jesi ; n'o ye basiketikela minnu si be hakeya kelen na, olu ta ; kupudimoni basiketi ; ani Afiriki basiketi kupu. Cemannin ni musomannin minnu si hake te temen san 17 kan, olu ka kupudimoni b'a no na ; o be ke k'a damine san 2020 utikalo tile 15 la, ka se a tile 23

ma. cemannin ni musomannin minnu fana si hake te temen san 18 kan, olu ka Afiriki basiketik jekuluba b'a jinin demenbaaw se, u k'u seko ke min b'a to janjo ninnu ka se ka walcy.

I n'a fo salon ta kera cogo minna, ton min mana ke basiketi jana ye, o be jansa ni sefawari miliyon 3 ye. Doreme ba keme (d100.00) be di a nokanda kelenna ma.

Dokala Yusufu Jara

FIFA ye ntolantantow kulusigili san 2020 zuwenkalo: Samatasegew tora juman 10 fôbow cela



Kunnafoniw y'a jira, ko Samatasegew be joyero 38nan na dije kulusigili la, Kameruni ye joyero 51nan ye, Afirikidisidi be joyero 53nan na.

Lamcikenjamana, Alimaji ani ten kan Afiriki kono ; nka a be joyero 38nan na dije kulusigili la, Kameruni ye joyero 51nan ye, Afirikidisidi be joyero 53nan na.

Faransi de dalen be nogon kan dije kono musow ka ntolantan na. Ntolantantow kulusigili kura FIFA se, o ye zuluyekalo tile 16 nata ye san 2020.

Dokala Yusufu Jara

Dije jamana tow sen tene ye 2020 hiji kene kan

An ye nin kunnafoni soro Sawudiya kunnafonidiso se n'a be wele nansarakan (Agence Saoudienne de presse). Kunnafoni in kono, minisiri minnesinen don Hiji ni Umurako ma Sawudiya, alc be dijemaaladonna ko ninan hijitaa bolodalen don kabilia Zuluyekalo nata la, nka min y'a jamako ye, k'o dantigelen don kosebe k'a subuke koronawiriisi ye.

Makan faamaw ye nin halikila ta walasa ka dije silamen juman tanga koronawiriisi masiba ma. O siratige la, minisiri y'a jira ko silamen minnu be Makan dugukolo kan, k'olu doron dc yamaryalen don ka ninan hiji ke.

Hakililajigin na, marisikalo temenen, Makan faamaw ye (Omra) fana bo a ma ka sabuke koronawiriisi kelen in mankutujugu ye dije kono.

